

տարի ետքը, «1610 Մայիս 15 Շաբաթ»⁸, գրեց անձամբ թուղթ մ'առ նոյն Պօղոս Ե. : Թղթատարն էր Ջաքարիա Վ. Վանեցի : Սա 1610 Մայիս 1 թուակիր կոնդակով կարգուած էր նուերակ լվովի, Կամենիցի, Սեչովի, Եաչի «եւ Ֆռանկստանու քրիստոնէիցդ առ հասարակ»⁹ : Ջաքարիա 1611 Յունիսին կը հասնի Անկիւրիոյ վրայէն¹⁰ Կ. Պոլիս. հոն առնելով իրեն ճանապարհորդակից Սիմէոն դպիր Լեհացին, ամսոյն տասնմէկին կը մեկնի ցամաքի ճանապարհով Հոռոմ, ուր կը ժամանէ Օգոստոսի վերջերը : Իբր եօթնամսեայ ժամանակ մը կը մնայ Ջաքարիա Հոռոմ : Այս միջոցին կը ներկայանայ յունկնդրութիւն Պաւղոս Ե. Քա-

⁸ Թուականը թղթին լատիներէն թարգմանութեան մէջ նշանակուած է «1610 Մայիս 15, Շաբաթ» : Յիշեալ տարւոյն Մայիս 15ի պատկերն շաբաթ էր ըստ նոր տոմարին. իսկ ըստ հնոյն երկուշաբթի : Պէտք է ընդունիլ թէ կամ Մելքիսեղեկ ինքնին (անշուշտ թելադրութեամբ Գուրիելմոս Աւգոստինեան վարդապետի, որ նոյն շրջանին կը գտնուէր Երեւան) փրկչական թուականին կից նոր տոմարի օրուան պատկերը նշանակած է եւ կամ թարգմանիչը հին տոմարի պատկերը՝ Երեքշաբթի յարմարցուցած է նորին : Այլազգ պէտք է ենթադրել թէ սկզբնաղբին «ՌԾԹ. Մայիս ԺԲ. Շաբաթ». կարդացուած է ԺԵ :

⁹ Կոնդակն հրատարակուած է Կամենից, էջ 239—240 : Թուականը՝ «թվին ՌՀԹ» (էջ 240) տպագրութեան վրիպակ է, պէտք է ուղղել ՌԾԹ (հմտ. էջ 239) :

¹⁰ Հմտ. Կոնդակին ստորեւ յիշատակադրութիւնս. «Եւ Աւաք եպիսկոպոս առաջնորդ սուրբ ուխտին Անուրիոյ տեսի զնամակս եւ հաւատացի. այս այսպէս էրտուի ճշմարիտ» : Հմտ. նաեւ Սիմէոնի տողերս. «Եկն քարվան մի մեծ Ինկուրիու զօֆով. կային ընդ նմա եւ վաճառականք հայ. այլ եւ վարդապետ մի վանական Ջաքարիայ անուն». Հանդ. Ամս., 1932, 384 = արտատպ. 44 :